

مجموعه ابو الضرب

ماسوا شایسته شدن دل تطهیر چالش

بر تو حکمت و عرفان ایله تنویر آتش

هر ماه عربی ابتدا سیله اون بشنده نشر اولنور قنون مجموعه سیدر

جزو ۴۸ [۱۵ جمادی الآخر سنه ۱۳۰۲] نفیسی ۳ فروش

حاصلی آمریقان استانبوله و سیر یادن لزبونه قدر اعمالات جدیدیه
ایله مشغول ممالکده و تیمور یوللرنده یومی صرف اولنان معدن کومورینسک
یرینه قائم اولق ایچون روسیه ممالک وسیعه سی قدر براورمانک هر سنه
کسیاوب ینه یرینه کلمسی لازم گیر .

ملاحظات حکیمه

هر کس کندیسنک رأی العین مشاهده ایلدیگی حالاتی بلا نقصان
وعلاوه نقل و حکایه ایده جک اولسه اوزمان خلق عالم هر شیئک حقیقته
واقف اولوردی .

انسان اون نفر یگی دشمنی، اسکی بردشمنی برطرف ایتمکدن ده
قولای قزانیر .

حقیقت کندیسندن بشقه برحامیه محتاج دگلدیر . ذاتاً کندیسندن
بشقه حامی سیده یوقدر .

آرزو ایتدیگندن دها دون شیئه مالک اولان برآدم کندی دگردن
زیاده مالک اولدیغنی ییلى در .

اکثر احوالده انسان بارگیرنی تودیع ایتدیگی فایطونجینک اخلاق
واحوالی، قیزینی و یردیگی آدمک اخلاق و احوالندن دها ای بیلیر .
هر نه وقت داماد انتخابی ساییس انتخابی قدر نظر اهمیته آلیرسه اووقت
بوگونکی گونده حکمفرما اولان عائله فلاکتلی ختامه ایرر .

افکارک ان زیادہ عصمت پرورانه اولان اذواق و مسراتی ازهار گبی
قویارلدقلری آندہ هلاک اولور .

سلسله قدر اطاعت ایدنلری سوق ایدر . مقاومت ایلیانلری
ایسه سوروکلر .

دنیاده ان بیوک نانکور اشتہادر . انی نه رتبه خشنود ایدرسه کز
گندیسی اونسبتده سزدن روگردان اولور .

موسم بهارده اکثر اشجار ثمره دار اوله جقلرینی گوستردکلری گبی
عهد شبابنده دخی پک چوق آدملر کامل و فاضل اوله جق گبی گورینورلر .
لکن عمرک صوگ بهاری گوزده دملیدر .

حوادث مدنیہ

آلمانیاده ره که نسبورغ شهرنده (ژورژ مانس) نامنده برذات ۱۸۳۰
سنه سنده غایت جزوی بر سرمایہ ایله تأسیس ایتدیگی برکتناجی دکانیله
بر مطبعه سنی ۵۶ سنه اداره و توسیع ایتدکن صکره بوکره ۱,۲۰۰,۰۰۰
مارقه مقابل بر شرکته ترک ایله ایشدن چکلمشدر .

دنیاده کاغذ اعمالنه مخصوص ۳۴۱۹ فابریقه موجود اوله رق بونلرده
۳۹۵۲ ماکنه ایشلمکده و یومی تقریباً ۸ ملیون کیلو غرام کاغذ اعمال اولتقدده در .

لوندرده ۱۲۰۰۰ مرتب موجود اوله رق ۶۵۰۰ نفری بر شرکت
حائده بولتقدده درلر .